

que adhuc praevalentis. Liquor salinus filtratus evaporet, et loco frigido ad crystallisandum seponatur.

Simili modo Lixivium, praecipitatione Magnesiae, Natro carbonico adhibito, obtentum, dat Natrum sulphuricum, evaporando et crystallisando.

Natrum sulphuricum siccatum.

Paratur uti Natrum carbonicum siccatum.

Oleum Absinthii aethereum.

℞. Summitatum Absinthii vulgaris, cum Semine fere maturo, modice siccatarum, Libras duodecim, Aquae communis Octuplum.

Fiat destillatio ex vesica, sub continua aquae ebullitione, quam diu Aqua Oleo gravida prodit. Obtentum Oleum separetur. Aqua stillatitia supra novam Absinthii copiam, addendo Aquae communis quantitatem sufficientem, destillet, et Oleum auferatur: haec operatio toties repetatur, donec Olei desiderata quantitas obtenta fuerit.

Eodem modo parantur:

Oleum Baccarum Juniperi;

Corticum Aurantiorum;

Florum Lavendulae;

Herbae Majoranae;

Menthae crispae;

Menthae piperitae;

Origani cretici;

Roris marini;

Sabinae;

Oleum Radicis Valerianae minoris;
Seminis Anisi;
Carvi;
Cumini;
Foeniculi.

Oleum Absinthii coctum.

℞. Herbae Absinthii recentis contusae Libram
unam,
Olei Olivarum Libras tres.

Coquantur in aheni cupreo leni calore, donec humidum exhalatione consumtum sit. Oleum exprime, cola et conserva.

Similiter parentur:

Oleum coctum Chamomillae vulgaris;
Hyoscyami;
Hyperici.

Oleum Amygdalarum.

Ex Amygdalis recentibus contusis et cilicio inclusis, preli laminis, in Aqua fervente tepefactis, exprime Oleum.

Eadem methodo parentur:

Oleum Seminis Lini;
Ricini, demto antea cortice.
Q 2

Oleum animale aethereum. 10

(*Oleum animale Dippelii.*)

℞. Olei animalis foetidi, quantum placet.

Infundatur cucurbitae vitreae, ope infundibuli vitrei, ne cucurbitae latera inquinentur. Tum, alembico et vase recipiente bene lutatis, fiat tam diu destillatio, lenissimo balnei arenae calore, quam Oleum tenue elicitur. Oleum hoc rectificatum cautione eadem cucurbitae novae cum Aquae quadruplo infundatur, & applicato alembico ac vase recipiente purissimo, blando calore iterum destillet, dum limpidissimum, aquae instar, apparet. Immittatur illico lagenulis vitreis, exacte obturatis et sub aqua demersis.

Oleum animale foetidum.

(*Oleum Cornu Cervi foetidum.*)

Simul obtinetur cum Ammonio carbonico pyro-oleoso, encheiresi suo loco praescripta.

Oleum Anisi sulphuratum.

(*Balsamum Sulphuris anisatum.*) 10

℞. Sulphuris puri Unciam dimidiam,
Olei Amygdalarum Uncias duas.

In vase terreo satis capaci, in arenam collocato, calefiant, spathula continue agitando, donec in massam homogeneam coeant; tunc adde

Olei Anisi Uncias sex.

Digerendo soluta serva.

Oleum Cacao.

(Butyrum Cacao.)

Exprimatur ex Seminibus Cacao leniter tostis, a corticibus liberatis et grossiuscule contosis, ope torcularis, cujus laminae in aqua fervida calefactae sint. Oleum butyraceum cum Aquae duplo digeratur in arenae balneo, donec a faecibus purgatum sit. Frigefactum ab aqua separetur et servetur.

Oleum Caryophyllorum.

R̄. Caryophyllorum aromaticorum Libras duas.

Contusis et retortae vitreae immissis affundatur

Aquae communis Octuplum,

et fiat destillatio ex arena ad dimidium. Oleum elicatum, cum Aqua destillans et subsidens, separetur. Aqua vero eadem Caryophyllis iterum affundatur, atque denuo destillet, et Oleum obtentum cum priori servetur.

Eodem modo parantur:

Oleum Cinnamomi, e Cassia cinnamomea;
Macis.

Oleum Cerae.

R̄. Cerae flavae rasae,

Calcariae ustae pulveratae, singulorum Libram unam.

Fiat destillatio e retorta vitrea, arenae balneo immissa. Oleum elicatum nova destillatione supra

Calcariae ustae Libram dimidiam
rectifica.

Oleum Chamomillae aethereum.

℞. Florum Chamomillae vulgaris sine Stipitibus,
modice siccatorum, Libras sexaginta.

In vesicam destillatoriam immissas impraegna

Olei de Cedro Uncia una;

adde

Aquae communis, quantitatem sufficientem,
et fiat destillatio. Oleum, saturato colore caeruleo ac
specifica Chamomillae fragrantia praeditum, ab Aqua
stillatitia separa ac serva.

Nota. Ob lentam Olei Chamomillae fluiditatem, qua illius
separatio ab Aqua, cum qua stillavit, impeditur, hanc
modicam Olei de Cedro copiam adhibere licet.

Oleum Galbani aethereum.

℞. Galbani Libras duas,
Aquae communis Octuplum.

Fiat destillatio e retorta vitrea, in arenae balneum re-
condita, ad dimidium. Oleum limpidum Aquae destillatae
innatans collige et serva.

Oleum laurinum unguinosum.

E Lauri Baccis recentibus expressione, vel coctione
in Aqua, obtinetur. Quum vero nostro sub coelo Baccae
Lauri maturae raro obveniant, adhibendum est Oleum
ex Hispania et Italia allatum. Sit rancoris expers, spissi-
tudinis butyraceae, coloris viridis, et odore laurino pro-
prio praeditum.

Oleum Lini sulphuratum.

(Balsamum Sulphuris simplex.)

℞. Olei Lini Uncias octo,
Sulphuris puri Uncias duas.

In vase terreo capaci arena circumdato detineantur supra lenem ignem, spathula semper movendo, donec in unum coëant.

Oleum Nucistae.

R̄. Nucum moschatarum, quantum vis.

Contusas, et sacco cannabino inclusas, aquae bullientis vapore impraegna, et prelo, laminis aqua fervida calefactis, exprime Oleum.

Oleum Ovorum.

R̄. Ovorum recentium, coctione in Aqua duratorum, quantum vis.

Vitelli exemti in sartagine munda leni calore agitentur, ope pistilli lignei, donec rufescant et pinguedinem sudare incipiant; tum, sacco cilicino inclusos, prelo subjice. Oleum expressum in vitro obturato serva.

Oleum Succini.

Oleum destillatione Acidi succinici obtentum, cum Aquae Sextuplo mixtum, ex retorta vitrea destillando rectificata et serva.

Oleum Terebinthinae.

R̄. Terebinthinae communis clarae quantum vis.

Post affusam Aquae communis sufficientem quantitatem, destillationi tam diu subjice, quam prodit Oleum.

Oleum Terebinthinae sulphuratum.

(*Balsamum Sulphuris terebinthinatum.*)

℞. Olei Lini sulphurati Uncias duas,
Terebinthinae Uncias sex.

Solve digerendo.

Oxymel Aeruginis.

(*Unguentum aegyptiacum.*)

℞. Aeruginis pulveratae Uncias tres,
Aceti crudi Libras duas.

Coque, donec Aceti tertia circiter pars supersit. Filtra
et adde

Mellis despumati Libras duas.

Evaporent ad Libras duas.

Oxymel scilliticum.

℞. Aceti scillitici Libram unam,
Mellis despumati Libras duas.

In vase stanneo coquantur ad mellis liquidi consisten-
tiam.

Oxymel simplex.

℞. Aceti crudi Libram unam,
Mellis despumati Libras duas.

Misce et in lebetæ stanneo coque ad mellis liquidi spis-
situdinem.

Pasta